

Ang Tinapay sa Kinabuhi

Basahong Kasulatan: Juan 6:22-71

- I. Kon ayohon natog basa ang Juan 6, lalom gyod untang masilsil nato kining capitulo ha ug magtagad sa han-ay sa pito ka mahinungdanong punto:**
- A. Ang Ginoo mao ang tinapay sa kinabuhi—vv. 35, 48.
 - B. Gihatag sa Ginoo ang Iyang tinapay sa kinabuhi aron makaon nato—v. 51.
 - C. Gihatag sab sa Ginoo ang Iyang dugo aron mainom nato—v. 53.
 - D. Wala lang mamatay ang Ginoo kondili nabanhaw sab—v. 56.
 - E. Kay nabuhi man si Cristo sa sulod nato, nabuhi ta tungod Niya ug nabuhi atubangan sa Dios—v. 57.
 - F. Ang Iyang Espiritu, dili ang Iyang pisikal nga unod ang naghatag natog kinabuhi ug sangkap sa kinabuhi—v. 63a.
 - G. Naa ang Espiritu sa mga pulong nga gipanulti sa Ginoo; espiritu ug kinabuhi ang Iyang mga pulong—v. 63b.
- II. Ang ulohanong tuyo nga nanaog si Ginoong Jesus gikan sa langit nganhi sa yuta pagtuman man sa usa ka sentrong butang—paghatag sa Iyang Kaugalingon kanato ingon nga kalan-on—ang tinapay sa kinabuhi—aron makaon nato Siya nga espirituhanong kalan-on ug mahilis nato aron mahimong pagkaumol nato—vv. 50-51.**
- III. Detalyeng pamulong bahin ni Ginoong Jesus nga tinapay sa kinabuhi ang capitulo 6 sa Ebanghelyo ni Juan; nipahayag Siya nga, “Ako ang tinapay sa kinabuhi”—v. 48:**
- A. Daghang versiculo sa Juan 6 ang nagpakita nga, alang sa pagsinati ug pagpahimulos nato, tinapay sa kinabuhi si Cristo —vv. 27, 32-35, 47-58, 63a, 68b:
 - 1. Ang labing importanteng punto sa tibuok capitulo sa Juan 6 mao nga kalan-on nato si Cristo, ang tinapay sa kinabuhi—vv. 35, 48.
 - 2. Dili kas-a ug hangtod na sa dayon ang pagkaon nato Kaniya; mokontak gyod hinuon ta sa Ginoo ug mokaon Niya adlaw-adlaw, kay makaon man Siya—v. 50.
 - 3. Gamiton gyod nato ang atong espiritu sa pagkaon, pagdawat, paghilis, pagsinati, pagpahimulos, ug pag-aplikar Kaniya matag gutlo—vv. 56-57.
 - 4. Itingob gyod natong tanan ang atong pagtagad sa usa ka butang—mokaon ni Cristo ug magkinabuhi dayon pinaagi sa gikaon nato Niya—v. 54.
 - B. “Ayaw mo paghago alang sa kalan-ong mawala, kondili sa kalan-ong magpabilin ngadto sa kinabuhing walay kataposan, nga ihatag sa Anak sa Tawo kaninyo”—v. 27:
 - 1. Ang kinabuhing walay kataposan mao ang diosnong kinabuhi, ang dili linalang nga kinabuhi sa Dios, nga dili lang molungtad kalabot sa panahon kondili walay kataposan ug diosnon sab sa kinaiya—3:15.
 - 2. Mosangkap ug magdala nato ngadto sa kinabuhing walay kataposan ang kalan-ong magpabilin ngadto sa kinabuhing walay kataposan—6:27.
 - C. “Gihatagan mo sa Akong Amahan sa tinuod nga tinapay nga gikan sa langit. Kay ang tinapay sa Dios mao Siya nga nanaog gikan sa langit ug naghatag og kinabuhi sa kalibotan”—vv. 32-33:
 - 1. Ang espirituhanong mga butang ray tinuod; “ang Espiritu mao ang realidad”—1 Juan 5:6b.
 - 2. Isip tinuod nga tinapay, si Cristo ang tinapay sa kamatuoran, sa realidad; tinuod si Cristo.
 - 3. Lalom gyod untang masilsil natong tanan ang kamatuoran nga nagkinahanglan ta ni Cristo isip tinuod nga tinapay sa kinabuhi nga gipadala sa Dios aron ipadangat kanato ang kinabuhing walay kataposan.
 - 4. “Ang tinapay sa Dios” sa Juan 6:33 mao ang “tinuod nga tinapay” sa versiculo 32.

5. Isip tinapay nga nanaog gikan sa langit, si Cristo ang langitnong tinapay, ug isip tinapay sa Dios, iya Siya sa Dios, gipadala Siya sa Dios, ug nag-uban Siya sa Dios—v. 33.
 6. Kon mokaon ta ning tinapaya ug hilison kini, mahimo kining pagkaumol nato, ug madug-tong ug masagol ta pag-usa sa Ginoo—1 Cor. 6:17.
 7. Bisan kinsang mokaon sa buhing tinapay nga nanaog gikan sa langit mabuhi hangtod sa hangtod—Juan 6:50-51a.
- D. Niingon si Ginoong Jesus sa versiculo 51b, “Ang tinapay nga Akong ihatag mao ang Akong unod, nga gihatag alang sa kinabuhi sa kalibotan”:
1. Ning tungora nahimong unod ang tinapay.
 2. Gihatag sa Ginoo ang Iyang lawas, sa ato pa, ang Iyang unod, nagpakamatay alang nato aron makabaton tag kinabuhi.
- E. “Sa pagkatinuod, sa pagkatinuod, moingon Ko ninyo, Kon dili mo mokaon sa unod sa Anak sa Tawo ug moinom sa Iyang dugo, wala moy kinabuhi sa inyong kaugalingon”—v. 53:
1. Nagpasabot og kamatayon ang pagbulag sa dugo ug unod.
 2. Dinhi tin-awng gipakita sa Ginoo ang Iyang kamatayon, sa ato pa, nga patyon Siya.
 3. Gihatag Niya ang Iyang lawas ug giula ang Iyang dugo alang nato aron makabaton tag kinabuhing walay kataposan:
 - a. Ang pagkaon sa Iyang unod pagdawat man pinaagi sa pagtuo sa tanan Niyang nabuhat sa paghatag Niya sa Iyang lawas alang nato.
 - b. Ang pag-inom sa Iyang dugo pagdawat man pinaagi sa pagtuo sa tanan Niyang nahu-man sa pag-ula Niya sa Iyang dugo alang nato.
 4. Ang pagkaon sa Iyang unod ug ang pag-inom sa Iyang dugo pagdawat man nato Kaniya, diha sa Iyang pagtubos, ingon nga kinabuhi ug sangkap sa kinabuhi sa pagtuo nato sa gi-buhat Niya alang nato didto sa krus.
 5. Sa pagtandi sa versiculo 53 sa versiculo 47, makita nato nga ang pagkaon nato sa unod sa Ginoo ug pag-inom sa Iyang dugo pagtuo man nato diha Niya, kay ang pagtuo o ang pagtuo ngadto pagdawat man—1:12.
- F. “Kay tinuod nga kalan-on ang Akong unod, ug tinuod nga ilimnon ang Akong dugo”—Juan 6:55:
1. Gawas kon mokaon ta sa unod sa Anak sa Tawo ug moinom sa Iyang dugo, dili nato maba-tonan ang kinabuhing walay kataposan sa atong kaugalingon.
 2. Kon mokaon ug moinom ta Niya, makabaton ta sa kinabuhi tungod Niya.
- G. Ang labing kusganon ug labing katingad-ang tudling sa tibuok Biblia mao ang Juan 6:57: “Maingon nga gipadala Ko sa buhing Amahan ug nabuhi Ko tungod sa Amahan, ingon man sab ang mokaon Nako, mabuhi sab tungod Nako”:
1. Ang pagkaon pagpasulod mag kalan-on nganhi nato aron organico kining mahilis-sagol sa atong lawas.
 2. Ang pagkaon nato ni Ginoong Jesus pagdawat man Kaniya nganhi nato aron mahilis-sagol Siya sa gipanganak pag-usab nga bag-ong tawo sa paagi sa kinabuhi:
 - a. Magkinabuhi dayon ta pinaagi Niya nga atong nadawat.
 - b. Pinaagi man niini nga nabuhi Siya, nga nabanhaw, sa sulod nato—14:19-20.

IV. “Ang Espiritu maoy naghatag og kinabuhi; walay pulos ang unod; ang mga pulong nga gipanulti Ko kaninyo espiritu ug kinabuhi—6:63:

- A. Ang kataposang bahin sa Juan 6 seksyon man bahin ni Cristo nga nahimong Espiritung tag-hatag-og-kinabuhi ug Pulong.
- B. Kay Espiritu man si Cristo, makontak nato Siya ingon nga Espiritu sa sulod nato—1 Cor. 15:45.

- C. Kay Espiritung taghatag-og-kinabuhi man Siya, makaon ug mahilis-sagol nato Siya isip kалан-on nato.
- D. Aron madawat nato si Ginoong Jesus nga tinapay sa kinabuhi, sangkap nato sa kinabuhi nga motil-og nato, makita gyod unta nato nga Siya ang Espiritung taghatag-og-kinabuhi ug gipakalawas diha sa Pulong kining Espirituha—Juan 6:63.
- E. Ang gihatag sa Ginoo kanato mao ang Espiritung naghatag og kinabuhi; ang Ginoo mismo diha sa pagkabanhaw kining Espirituha—1 Cor. 15:45.
- F. Sa Juan 6:63 nagsunod sa Espiritu “ang mga pulong”:
1. Gipakita sa Ginoo nga aron sa paghatag og kinabuhi mahimo Siyang Espiritu.
 2. Unya niingon Siya nga espiritu ug kinabuhi ang mga pulong nga Iyang gipanulti; nagpakita kini nga ang mga pulong nga Iyang gipanulti maoy pagkalawas sa Espiritu sa kinabuhi—v. 63.
 3. Kon dili nato matandog ang Espiritu diha sa Pulong, dili nato madawat ang kinabuhi.
 4. Adlaw-adlaw moduol gyod ta sa Ginoo ug motandog Niya nga Espiritu diha sa Pulong; kon buhaton nato kini, makakaon ta ni Cristo nga tinapay sa kinabuhi—v. 35.
- G. Natapos ang capitulo 6 sa Juan sa pulong sa kinabuhi, nga maoy palagianan nga madawat nato ang Ginoo nga tinapay sa kinabuhi—v. 63:
1. Madawat ngani nato ang Pulong, maato ang Espiritu, ug kon maato ang Espiritu sa sulod, maato si Cristo nga sangkap sa kinabuhi sa sulod.
 2. Makaamgo unta tang tanan nga ang gikinahanglan nato mao si Cristo nga sangkap nato sa kinabuhi ug mokontak dayon ta Niya adlaw-adlaw isip Espiritung taghatag-og-kinabuhi nga gipakalawas diha sa Pulong.